

## Karte za utakmicu BiH - Turska od 40 do 125 KM

06/09/2009 21:45 by BanjaLukaSrcu

Nakon što su karte za utakmicu BiH - Turska u Zenici u poslovnica Centrotansa rasprodate u rekordnom roku, prodaja se 'preselila' na najposjećeniji bosanskohercegovački internet oglasnik Market.ba. Druga prilika se pružila svima koji 9. septembra sa stadiona Bilino polje u Zenici žele podržati naše reprezentativce i biti dio vatrene atmosfere. Naime, na popularnom oglasniku se pojavilo više oglašivača koji navijaju prodaju karte po različitim cijenama.

Tako, oglašivač pod pseudonimom 'Fejzik' za cijenu od 700 KM nudi [Ajest karata](#) za zapadnu tribunu stadiona. Ukoliko dolazite iz Mostara i navijate bosanskih zmajeva, zanimljiva je ponuda oglašivača pod nazivom 'Idan' koji nudi [200 KM za kartu i prijevoz](#) od Mostara i Zenice i nazad.

Karte za predstojeću utakmicu naše reprezentacije za kvalifikacije na Svjetsko prvenstvo u Južnoafričkoj Republici mogu se naći po cijeni od 125, 120, 110 i 100 KM, a oglašivači nude i dodatne popuste prilikom kupovine većeg broja ulaznica.

No, na oglasniku Market.ba postoje i dosta povoljnije ponude za one koji 9. septembra planiraju ići na utakmicu. Tako na primjer oglašivač pod imenom [salkanaga](#) karte prodaje po cijeni od 70, a oglašivač [code](#) po cijeni 50 KM.

Najjeftinija karta za fudbalski dvoboj u Zenici koja se prodaje putem Marketa košta [40 KM](#). Za one kojima ove ponude zvuče primamljivo, ostavljeni su i brojevi telefona i email adrese.

Kako se bliži utakmica, vjerujemo da će cijene karata biti i sve više. Izvor vijesti: (Sarajevo-x.com)